



**Republika e Kosovës**  
**Republika Kosova-Republic of Kosovo**  
*Qeveria - Vlada - Government*  
*Ministria e Ekonomisë*  
*Ministarstvo Ekonomija -Ministry of Economy*

DATË/A	02.03.2023
REFERENC-Ë:	Për Miratim
PËR / ZA / TO	Leonita Shabani Mullarama, Zv. Sekretare e Përgjithshme, ME
CC:	
PËRMES / PREKO /THROUGH	Skender Sallahi, Udhëheqës i Departamentit të Minerave/ME
NGA / OD / FROM	Kreshnik Elezi, Zv. Udhëheqës i Divizionit të Politikave Minerare
TEMA/ SUBJEKAT/ SUBJECT	Miratimi i Raportit të Progresit për vitin 2022 i Zbatimit të Strategjisë Minerare, 2012-2025.

E nderuar,

Bazuar ne Udhëzimin Administrativ UA 07/18 për Planifikimin, Hartimin dhe Monitorimin e Dokumenteve Strategjike dhe Planeve të Veprimit dhe sipas kërkesës së ZPS/ZKM të dt. 04. Janar 2023 për përgatitjen e raporteve vjetore të zbatimit të dokumenteve strategjike për vitin 2022, ju lutem gjeni për MIRATIM;

**Raportin e Progresit për vitin 2022 i Zbatimit të Strategjisë Minerare, 2012-2025.**

Për informimin tuaj, Ministria e Ekonomisë me Vendim Nr. 714, të datës 23.02.2023 (shih të bashkëlidhur), ka themeluar Grupin Koordinues Ndërinstitucional për të Siguruar Monitorimin e Rregullt të Zbatimit të Strategjisë Minerare të Republikës së Kosovës 2012-2025.

Pas themelimit të Grupit Koordinues Ndërinstitucional, Ministria e Ekonomisë ka vazhduar punën në Hartimin e DRAFTIT të Raportit të Progresit për vitin 2022 të Zbatimit të Strategjisë Minerare 2012-2025 me të dhënat e plotësuar nga institucionet dhe ndërmarrjet e përfshira në Vendim. Ministria e Ekonomisë e ka dërguar DRAFTIN e Raportit të Progresit për vitin 2022 të Zbatimit të Strategjisë Minerare 2012-2025 për komente nga Grupi Koordinues Ndërinstitucional me mundësi ndërhyrjeje në Dokument deri me dt. 02.03.2023 në ora 12:00.

Meqenëse deri në këtë kohë nuk ka pas komente apo vërejtje, DRAFTI i Raportit të Progresit për vitin 2022 të Zbatimit të Strategjisë Minerare 2012-2025 konsiderohet si Drafti i Finalizuar dhe mund të procedohet për MIRATIM nga Sekretari i Përgjithshëm i Ministrisë së Ekonomisë sipas;

Udhëzimit Administrativ UA 07/18 për Planifikimin, Hartimin dhe Monitorimin e Dokumenteve Strategjike dhe Planeve të Veprimit

Nenit 16

4. Raporti miratohet nga Sekretari i Përgjithshëm i Ministrisë përgjegjëse për dokumentin strategjik dhe do të diskutohet nga përfaqësuesit e institucioneve kryesore pjesëmarrëse nën kryesimin e ZPS-së për miratim final. Në rast të mosmarrëveshjeve të pazgjidhura, çështja duhet t'i nënshtrohet vendimmarrjes në KPS. Raporti final i miratuar duhet të publikohet.

Nga Departamenti për Integrim Evropian, Koordinim të Politikave dhe Zhvillim Ekonomik në ME, jemi njoftuar se Ministria e Ekonomisë ka një afat që deri të premtën me datë 03 mars 2023 Dokumenti pas Miratimit të dërgohet në ZPS/ZKM.

Bashkengjitur gjeni:

- Versionin final të Raportit të Progresit për vitin 2022 i Zbatimit të Strategjisë Minerare, 2012-2025.
- Vendim Nr. 714, të datës 23.02.2023 për Themelimin e Grupit Koordinues Ndërinstitucional për të Siguruar Monitorimin e Rregullt të Zbatimit të Strategjisë Minerare të Republikës së Kosovës 2012-2025

Me respekt,



REPUBLIKA E KOSOVES / REPUBLIKA KOSOVA / REPUBLIC OF KOSOVO	
QEVERIA / VLADA / GOVERNMENT	
MINISTRIA E EKONOMISE MINISTARSTVO EKONOMIJE MINISTRY OF ECONOMY	
Nr. Niveli Org. Jendri Org. Lir. I	02
Nr. Prof. Br. Prof.	714
Nr. / Iniveli Brag. / Struktura No. / parime	2
Datimi Date	23.02.23
PRISHTINE A NO. 1	

Republika e Kosovës  
Republika Kosova-Republic of Kosovo  
Qeveria –Vlada - Government  
Ministria e Ekonomisë  
Ministarstvo Ekonomije /Ministry of Economy

Sekretari i Përgjithshëm i Ministrisë të Ekonomisë, në mbështetje të nenit 18 të Ligjit Nr. 06/L-113 për Organizimin dhe Funksonimin e Administratës Shtetërore dhe të Agjencive të Pavarura, (Gazeta Zyrtare, Nr.07/1 Mars 2019), nenit 73 të Ligjit Nr. 03/L-163 për Minierat dhe Minerale, (Gazeta Zyrtare, Nr. 80/27 Gusht 2010), nenit 44 i Ligjit Nr. 04/L-158 për Ndryshimin dhe Plotësimin e Ligjit Nr. 03/L-163 për Minierat dhe Minerale (Gazeta Zyrtare, Nr. 11/02 Maj 2013), dhe nenit 16 i Udhëzimit Administrativ (QRK) Nr.07/2018 për Planifikimin dhe Hartimin e Dokumenteve Strategjike dhe Planeve të Veprimit, Shtojca 8 e Manualit për Planifikim Hartimin dhe Monitorimin e Dokumenteve Strategjike dhe planeve të tyre të veprimit, nxjerr:

#### VENDIM

1. Themelohet Grupi Koordinues Ndërinstitucional për të Siguruar Monitorimin e Rregullt të Zbatimit të Strategjisë Minerare të Republikës së Kosovës 2012-2025.
2. Grupi Koordinues Ndërinstitucional përbëhet nga përfaqësues të institucioneve dhe Ndërmarrjeve Publike, si në vijim:
  - 2.1. Departamenti i Minierave/ME-kryesues;
  - 2.2. Zyra për Planifikim Strategjik/ZKM-anëtar;
  - 2.3. Departamenti i Energjisë/ME-anëtar;
  - 2.4. Departamenti Ligjor/ME-anëtar;
  - 2.5. Departamenti i Financave dhe Shërbimeve të Përgjithshme/ ME-anëtar;
  - 2.6. Departamenti për Integrim Evropian dhe Koordinim të Politikave /ME- anëtar;
  - 2.7. Shërbimi Gjeologjik i Kosovës-anëtar;
  - 2.8. Ministria e Financave, Punës dhe Transfereve- anëtar;
  - 2.9. Ministria e Mjedisit, Planifikimit Hapësinor dhe Infrastrukturës- anëtar;
  - 2.10. Komisioni i Pavarur për Miniera dhe Minerale, KPMM-anëtar;
  - 2.11. Universiteti Publik "Isa Boletini", Mitrovicë- anëtar;
  - 2.12. Ndërmarrja Publike Korporata Energjetike e Kosovës, KEK Sh.A.- anëtar;
  - 2.13. Ndërmarrja Publike TREPÇA Sh.A.- anëtar.
3. Detyrat e punës të Grupit Koordinues Ndërinstitucional për të Siguruar Monitorimin e Rregullt të Zbatimit të Strategjisë Minerare të Republikës së Kosovës 2012-2025 janë:
  - 3.1. Në mënyrë të rregullt takohet dhe diskuton progresin në zbatimin e objektivave, treguesve dhe veprimeve të Strategjisë Minerare të Republikës së Kosovës 2012-2025;
  - 3.2. Identifikon sfidat dhe pengesat për zbatimin e suksesshëm dhe propozon masat korrigjuese që duhet të ndërmerren nga institucionet zbatuese;



3.3. Diskuton dhe miraton raporte të rregullta që do të dorëzohen në Zyrën për Planifikim Strategjik.

4. Grupi koordinues ndërministror do të takohet së paku dy herë në vit për të diskutuar progresin dhe raportet gjatë muajve. Nëse është e nevojshme, do të organizohen takime shtesë.

5. Ministria e Ekonomisë do të jetë Sekretariat i Grupit Koordinues Ndërinstitucional dhe do të mbështesë thirrjen e takimeve dhe përgatitjen e materialit për t'u diskutuar.

6. Në takimet e Grupit Koordinues Ndërinstitucional sipas nevojës mund të ftohen edhe akterë tjerë të përfshirë në zbatimin e Strategjisë Minerare të Republikës së Kosovës 2012-2025.

7. Vendimi hyn në fuqi ditën e nënshkrimit.

Prishtinë, 23.02.2023

Leonita Shabani Muljarama

Zv. Sekretare e Përgjithshme



**Vendimi i dërgohet:**

- Grupit Koordinues Ndërinstitucional;
- Kabinetit të Ministres;
- Zyrës së Sekretares;
- Zyrës për Planifikim Strategjik/ZKM;
- Arkivit.



**Republika e Kosovës**  
Republika Kosova-Republic of Kosovo

**Qeveria - Vlada – Government**

**Ministria e Ekonomisë**  
**Ministarstvo Ekonomije**  
**Ministry of Economy**

# **Raporti i Progresit**

**Për Vitin 2022 i**  
**Zbatimit të Strategjisë Minerare, për**  
**· periudhën 2012-2025 ·**

**Prishtinë,**

**2023**

## PËRMBAJTJA

---

I. PËRMBLEDHJA EKZEKUTIVE.....	3
I.1. Qëllimet Strategjike të Dokumentit.....	4
II. PROGRESI NË ZBATIMIN E OBJEKTIVAVE TË DOKUMENTEVE STRATEGJIKE.....	4
II.1. PROGRESI KUNDREJT OBJEKTIVIT: .....	5
III. TREGUESIT KRYESORË TË NDIKIMIT TË MASAVE PËR ARRITJEN E OBJEKTIVAVE STRATEGJIKE.....	6
IV. RREZIQET DHE HAPAT PËR ADRESIMIN E TYRE.....	8
V. SHTOJCA 1- PJESA MATRICORE E RAPORTIT TË PROGRESIT PËR VITIN 2022, TË STRATEGJIA MINERARE E REPUBLIKËS SË KOSOVËS PËR PERIUDHËN 2012-2025.....	12

## I. PËRMBLEDHJA EKZEKUTIVE

Strategjia Minerare përbën kornizën themelore, në bazë të së cilës përcaktohen objektivat dhe prioritetet zhvillimore të sektorit mineral. Strategjia Minerare përcakton politikat dhe masat për zhvillimin e sektorit mineral në dobi të zhvillimit ekonomik dhe të mirëqenies sociale. Programi i Zbatimit të Strategjisë Minerare (PZSM) përbën mekanizmin e domosdoshëm që Ministria e Ekonomisë (ME) të jetë në gjendje të detajojë politikat, të alokojë detyrat, të ndërmarr aksionet specifike dhe të monitorojë progresin e realizimit të Strategjisë Minerare.

Raporti i Progresit vjetor është bazuar në monitorimin dhe vlerësimin e arritjes së treguesve për Strategjinë Minerare deri në vitin 2022, përmes progresit të projekteve/aktiviteteve të planifikuara sipas koston dhe kohës së realizimit, gjegjësisht aktiviteteve, të parapara.

Në Raport të Progresit janë grupuar aktivitetet në kuadër të secilës shtyllë/objektiv strategjik, është paraqitë afati kohor i realizimit, institucioni përgjegjës dhe mbështetës për zbatimin e aktivitetit, kostoja e realizimit të aktivitetit dhe kostoja e përgjithshme e planifikuar për periudhën kohore si dhe burimi i financimit.

Ky raport identifikon progresin e realizuar dhe identifikon sfidat për mosrealizimin e projekteve/aktiviteteve të caktuara. Identifikimi i sfidave do të ndihmojë në lehtësimin e punës në adresimin e çështjeve të cilat mund të konsiderohen si pengesë për zhvillimin e mëtutjeshëm të sektorit, dhe kjo do të ndihmojë drejtë përmirësimit të planifikimit, realizimit dhe analizimit më të thukët sa i përket planifikimit të koston dhe kohës së realizimit të projekteve.

Rrjedhimisht, raporti vjetor i progresit do të shërbejë edhe si bazë për rishikimin e politikave zhvillimore minerare që do të mund të reflekttoheshin në rishikimin e Strategjisë Minerare.

Raportit i Progresit për vitin 2022, lidhur me zbatimin e Strategjisë Minerare për periudhën 2012-2025 është përgatitur në përputhje me nenin 73, të Ligjit Nr. 03/L-163 për Minierat dhe Mineralet si dhe nenit 44, paragrafët 5, 6, 7 dhe 8, të Ligjit Nr. 04/L-158 për ndryshimin dhe plotësimin e Ligjit Nr. 03/L-163 për Minierat dhe Mineralet dhe kapitullin 8, paragrafi 8.1 dhe 8.2 të Strategjisë Minerare të Republikës së Kosovës për periudhën 2012-2025.

Ministria e Ekonomisë (ME), Departamenti i Minierave (DM) ka koordinuar procesin e hartimit të Raportit të Progresit për vitin 2022, ndërsa, në hartimin e këtij dokumenti kanë marrë pjesë institucionet relevante dhe ndërmarrjet kryesore të sektorit mineral siç janë: ME, KPMM, KEK ShA dhe "TREPÇA" ShA.

Fillimisht, Departamenti i Minierave (DM) ka hartuar modelin e raportimit përmes tabelave, ku janë paraqitur projektet e parapara për vitin 2022. Modeli i monitorimit dhe raportimit është bërë përmes tabelave me emërtimet e projekteve /aktiviteteve të planifikuara për tu realizuar gjatë viteve të fundit. Në tabela janë identifikuar objektivat dhe veprimet, afati i fundit, burimi i financimit, institucioni udhëheqës dhe mbështetës, produkti (Output), referenca në dokumente p.sh. Plani i Punës së Qeverisë (PPQ), Programi Kombëtar për Zbatimin e Marrëveshjes së Stabilizim-Asociimit (PKZMSA) dhe progresi në zbatim.

## 1.1. Qëllimet Strategjike të Dokumentit

Zhvillimi i qëndrueshëm dhe në harmoni me mjedisin e sektorit minerar është i rregulluar me Strategjinë Minerare që bazohet në katër (4) shtylla themelore që në Raportin e Progresit do të identifikohen si qëllime apo objektiva strategjike të dokumentit.

Qëllimet strategjike në këtë dokument janë të identifikuara si:

**Qëllimi/Objektivi Strategjik:** Krijimi i kushteve të favorshme për shfrytëzim dhe valorizim ekonomik të resurseve minerale dhe tërheqje të investimeve;

**Qëllimi/Objektivi Strategjik/:** Rritja e kapaciteteve njerëzore dhe institucionale në sektorin minerar;

**Qëllimi/Objektivi Strategjik:** Çështjet sociale dhe përfitimet e komunitetit;

**Qëllimi/Objektivi Strategjik :** Përkujdesja për mjedisin.

Realizimi i Qëllimeve/Objektiveve Strategjike të dokumentit strategjik, synon zbatimin e reformave kyçe në këtë sektor duke plotësuar në përpikëri kërkesat që kërkohen nga synimet dhe qëllimet strategjike. Me këtë qëllim në vitin 2022 janë planifikuar njëzetepesë (25) projekte/aktivitete, prej të cilave plotësisht janë zbatuar vetëm dhjetë (10) projekte/aktivitete të cilat janë përshkruar në Shtojcën 1 më poshtë.

## II. PROGRESI NË ZBATIMIN E OBJEKTIVAVE TË DOKUMENTEVE STRATEGJIKE

Zbatimi i masave të përcaktuara në Strategjinë Minerare për periudhën 2012-2025, ka pasur ndikim të kënaqshëm në performancën e sektorit të minierave qoftë në rritjen e kapaciteteve prodhuese, ngritjen e kapaciteteve të reja dhe bashkëkohore operuese, duke ndikuar në rritjen e performancës së përgjithshme. Krahas kësaj ka pasur plotësim të kornizës ligjore me akte të nevojshme nënligjore si dhe rritje të kapaciteteve institucionale për zbatimin e politikave në sektorin e minierave.

Në kuadër të monitorimit të zbatimit të Strategjisë Minerare për periudhën 2012-2025, Ministria e Ekonomisë (ME), respektivisht Departamenti i Minierave (DM) ka koordinuar procesin e hartimit të Raportit të Progresit, ndërsa, në hartimin e këtij dokumenti kanë marrë inputet dhe janë identifikuar rreziqet për të cilat do të adresohen në vitet e ardhshme me masa konkrete. Si pjesë e kësaj do të vazhdoj bashkëpunimi dhe koordinimi me institucionet relevante dhe ndërmarrjet kryesore të sektorit minerar në adresimin e të gjitha rreziqeve me të cilat vazhdojnë të ballafaqohen.



## **II.1. PROGRESI KUNDREJT OBJEKTIVIT**

Mund të konstatohet se ngecjet në realizimin e disa projekteve të parapara, tregojnë për domosdoshmërinë e marrja e hapave konkret në eliminimin e barrierave që pengojnë zhvillimin e këtij sektori. Roli i institucioneve përgjegjëse të sektorit mineral por edhe i ndërmarrjeve minerare në planifikimin e aktiviteteve dhe projekteve është jetik në suksesin dhe zhvillimin e sektorit mineral.

Në këtë drejtim duhet forcuar kapacitete institucionale përmes ngritjeve profesionale dhe investimeve në zhvillimin e teknologjisë. Po ashtu në suksesin e sektorit rol të rëndësishëm luan transparenca dhe lehtësimi i proceduarve burokratike. Në këtë drejtim duhet krijuar mundësitë institucionale që investitorët të kenë qasje të lehtë dhe të shpejt në interesat e tyre për investime duke pasur një adresë të qartë ku mund të drejtojnë kërkesat e tyre. Harmonizimi i ligjeve dhe heqja e paqartësive ligjore, bashkëpunimi me i ngushtë dhe i vazhdueshëm, hulumtimi i mundësive të reja për donacione dhe tërheqje të fondeve janë disa nga hapat e domosdoshme që duhet të ndërmerren në vitet në vazhdim në këtë drejtim.

### **Realizimi i prodhimit të lëndëve minerale**

Duhet theksuar se e veçanta e mineraleve si produkte ekonomike është në kompleksitetin e ekonomisë së lëndëve minerale dhe biznesin e minierave (Vogely, 1985; Strauss, 1986). Mineralet janë të shpërndara në mënyrë të pabarabartë dhe ndryshe nga produktet bujqësore apo pyjore, nuk mund të riprodhohen ose të zëvendësohen. Prandaj, një vendburim i mineraleve mund të konsiderohet si një aset shterues, prodhimi i të cilit është i kufizuar në zonën në të cilën ai ndodhet. Këta faktorë vendosin kufizime në një ndërmarrje minerare në fushat e praktikave të biznesit, financimit dhe praktikave të prodhimit. Për shkak se asetet minerale vazhdimisht shkojnë duke u shterur, ndërmarrjet minerare ose duhet të zbulojnë rezerva shtesë ose t'i kërkojnë ato duke i blerë për të qëndruar në biznesin e sektorit mineral.

Në vitin 2022, sikurse edhe në vitet paraprake, shumica e ndërmarrjeve që merren me shfrytëzimin e gurit të fortë, rërës dhe zhavorrit nuk po arrijnë të përmbushin planifikimet e tyre të prodhimit. Në bazë të analizave të bëra mund të konstatohet se arsyet kryesore për dështim të këtyre ndërmarrjeve janë:

- Planifikimi jo real i ndërmarrjeve lidhur me shfrytëzimin dhe përpunimin e lëndës minerale,
- Mungesa e kapitalit të ndërmarrjeve për të investuar në fazën e hulumtimit për të evituar dështimin në fazat e mëvonshme të shfrytëzimit për shkak të cilësisë së dobët të mineralit,
- Çmimi i lartë i energjisë po shkakton vështirësi të mëdha në aktivitetet e ndryshme minerare,
- Konkurrenca (jo gjithëherë e lirë) dhe tregu jo i qëndrueshëm për këto produkte,
- Aktivitetet minerare të jashtëligjshme, etj..

### **Ndikimi i sektorit minerare në çështjet sociale dhe ekonomike të vendit**

Sektori i mineraleve ndryshon nga industritë e tjera në atë se lokacioni i operimeve diktohet nga faktorë gjeologjikë, çka në fakt do të thotë se aktivitetet minerare nuk mund të zhvendosen në vende tjera ku operimet e tilla kishin me qenë me shpenzime më të ulëta. Anasjelltas, industria minerare ka potencialin për të krijuar mundësi të punësimeve afatgjata.

Ndërmarrjet e licencuara në KPMM, në raportimet vjetore janë të obliguara që të raportojnë dhe për numrin të punësuarve. Numri i punëtorëve të angazhuar në dhe rreth aktiviteteve minerare është rreth 20,000 të punësuar. Pra mund të thuhet se përkundër gjendjes jo të volitshme në të cilën është sektori minerar nuk mund të mohohet ndikimi i tij në çështjet sociale dhe zhvillimin e shoqërisë.

Zhvillimi i minierave përveç ndikimit në punësim dhe çështje sociale të punëtorëve, ka ndikim dhe në buxhetin e shtetit me rreth 29,322,969.86 € rentë për shfrytëzimin e mineraleve (periudha: Janar - 28/12/2022), Aktiviteti minerar po ashtu ka ndikim indirekt në rritjen e buxhetit për rreth 150,000,000.00€ - 200,000,000.00€ në vit.

### **Ndikimi i aktiviteteve minerare në mjedis**

Mbrojtja dhe rehabilitimi i mjedisit gjatë hulumtimit, shfrytëzimit, pasurimit dhe përpunimit të resurseve minerale duhet ti përmbahet legjislacionit në fuqi si: Ligji për Miniera Minerale Nr.03/-163 Neni 74 respektivisht Ligjit Nr.04/L-158 për Ndryshimin dhe Plotësimin e ligjit bazik, Ligji për mbrojtjen e natyrës Nr.03/I-233 2010, Ligji për mbeturina Nr. 04/L-060 2012, Ligj për vlerësimin e ndikimit në mjedis Nr. 03/L-214 2010, Ligjin për mbrojtjen nga zhurma Nr. 02/L-102 2007, Ligji për mbrojtjen e mjedisit Nr. 03/L-025 2009, Ligji për mbrojtjen e ajrit nga ndotja Nr. 03/L-160 2010.

Mjedisit ku zhvillohen aktivitetet minerare me tërë kompleksitetin që posedon gjithmonë tërheq vëmendjen e të gjitha institucioneve të vendit dhe angazhimi në këtë drejtim është i përhershëm. Gjatë vitit 2022 nuk ka pas ndonjë aksident të theksuar mjedisor si pasojë e aktiviteteve minerare.

Vlen të theksohet se flotacionet dhe fabrikat e përpunimit të agregateve duhet të investojnë edhe më tepër në evitimin e ndotjeve të cilat vijnë si rezultat i punës së tyre, pra më pak mbetje teknologjike të dëmshme dhe më pak pluhur për mjedisin ku veprojnë.

## **III. TREGUESIT KRYESORË TË NDIKIMIT TË MASAVE PËR ARRITJEN E OBJEKTIVAVE STRATEGJIKE**

Zbatimi i masave të përcaktuara në Strategjinë Minerare për periudhën 2012-2025 ka pasur ndikim të kënaqshëm në performancën e sektorit të minierave qoftë në rritjen e kapaciteteve prodhuese, ngritjen e kapaciteteve të reja dhe bashkëkohore operuese, duke ndikuar në rritjen e performancës së përgjithshme në krahasim me vitin 2021. Krahas kësaj ka pasur plotësim të kornizës ligjore me akte të nevojshme nënligjore si dhe rritje të kapaciteteve institucionale për zbatimin e politikave në sektorin e minierave.

Në vazhdim paraqiten disa nga treguesit kryesorë të ndikimit të masave të secilit objektiv strategjik.

### **Objektivi Strategjik: Krijimi i Kushteve të Favorshme për Valorizimin Ekonomik të Resurseve Minerale dhe Tërheqjen e Investimeve**

Në zbatim të këtij objektivi, aktivitete që janë kryer plotësisht janë treguesit kryesorë të ndikimit të masave duke konstatuar një realizim të kënaqshëm të objektivit. Masat e planifikuara për arritjen e objektivit të përcaktuara për vitin 2022, kanë ndikuar në krijimin e kushteve të favorshme për valorizimin ekonomik të resurseve minerale dhe tërheqjen e investimeve. Kjo është arritur përmes tregueseve si më poshtë:

- Rritja e investimeve të huaja direkte në sektorin mineral në dy pikë tetë për qind (2.8 %) investimet e huaja direkte në Kosovë - sipas aktivitetit ekonomik për periudhën 2008-2021, Agjencia e Statistikave të Kosovës (ASK) për vitin 2022.
- Rritja e sasisë së produkteve minerale të eksportuar 44,930,000.00 euro. Eksporti sipas seksioneve Agjencia e Statistikave të Kosovës (ASK) për vitin 2022.
- Zvogëlimi i sasisë së produkteve minerale të importuar 629,348,000.00 euro. Importi sipas seksioneve Agjencia e Statistikave të Kosovës (ASK) për vitin 2022.

### **Objektivi Strategjik: Rritja e Kapaciteteve Njerëzore dhe Institucionale në Fushën e Sektorit Mineral**

Në zbatim të këtij objektivi, aktivitetet që janë kryer plotësisht janë treguesit kryesorë të ndikimit të masave duke konstatuar një realizim jo të kënaqshëm të objektivit. Masat e planifikuara për arritjen e objektivit të përcaktuara për periudhën 2020-2022, kanë ndikuar në rritjen e kapaciteteve njerëzore dhe institucionale në fushën e sektorit mineral. Kjo është arritur përmes tregueseve si më poshtë:

- Rritja e numrit të të aftësuarve në aspektin profesional në dyqind e dyzet (240) të aftësuar;
- Rritja e numrit të të diplomuarve në sektorin mineral në dyzet e pesë (45). Raporti Vjetor i UIBM-së 2022;
- Numri i trajnimeve të realizuara në fushën minerale njëqind e nëntëdhjetë e pesë (195) Raporti Vjetor i KEK-ut dhe KPMM-së;
- Rritja e kualitetit dhe besueshmërisë së të dhënave;
- Rritja e numrit të licencave për shfrytëzim për njëqind për qind (100 %) respektivisht gjashtëdhjetë e kater (64) licenca Raporti Vjetor i KPMM-së, për vitin 2022.

### **Objektivi Strategjik :Çështjet Sociale dhe Përfitimet e Komunitetit**

Në zbatim të këtij objektivi, aktivitete që janë kryer plotësisht janë treguesit kryesorë të ndikimit të masave duke konstatuar një realizim të kënaqshëm të objektivit. Kjo është arritur përmes treguesëve si më poshtë:

- Norma e punësimit në sektorin mineral në dy presje një për qind (2,1 %), shpërndarja e të punësuarve sipas sektorit ekonomik (xehetari dhe gurorë) gjatë periudhës 2008-2020, Agjencia e Statistikave të Kosovës (ASK) për vitin 2022;
- Aplikimi i standardeve dhe rregullave të shëndetit dhe sigurisë në punë për pesëdhjetë për qind (50%);



- Rritja e investimeve dhe përfitimeve të komunitetit nga veprimtaria minerare. Viti 2020-të pesë (5) milion euro, njëzetë përqind (20%) nga Rentat minerare.

#### **Objektivi Strategjik: Përkujdesja për Mjedisin**

Në zbatim të këtij objektivi, aktivitete që janë kryer plotësisht janë treguesit kryesorë të ndikimit të masave duke konstatuar një realizim jo të kënaqshëm të objektivit. Kjo është arritur përmes tregueseve si më poshtë:

- Aplikimi i standardeve mjedisore në sektorin minerar për pesëdhjetë përqind (50 %);
- Adoptimi dhe zbatimi i standardeve mjedisore të BE-së në sektorin minerar në pesëdhjetë përqind (50%);
- Reduktimi i sasisë së mbeturinave të gjeneruara dhe të rrezikshme nga aktivitetet minerare - xehetari dhe gurëthyes në 516,535.00 tonë. Sasia e mbeturinave të gjeneruara dhe të rrezikshme, nga kompanitë me dhjetë (10) ose më shumë punëtorë gjatë periudhës 2013-2020 Agjencia e Statistikave të Kosovës (ASK) për vitin 2022.

#### **IV. RREZIQET DHE HAPAT PËR ADRESIMIN E TYRE**

Rreziqet e hasura gjatë monitorimit të këtij dokumenti lidhen me kapacitetin institucional, kapacitetin financiar, mjedisin rregullator, partneritetin dhe angazhimin e institucioneve të tjera, si dhe faktorët e tjerë të jashtëm që ndikojnë në nivelin e zbatimit të dokumentit strategjik.

Rrezik më i zakonshëm në aktivitetet e tyre të përgjithshme të institucioneve, gjegjësisht ndërmarrjeve minerare, në drejtim të realizimit të projekteve të Programit për Zbatimin e Strategjisë Minerare (PZSM) për vitin 2022, bazuar në takimet dhe diskutimet e përbashkëta, vlerësohet të jetë mungesa e mjeteve financiare.

Në kuadër të monitorimit të zbatimit dhe Programit për Zbatimin e Strategjisë Minerare (PZSM) për periudhën 2022-2024, Ministria e Ekonomisë (ME), respektivisht Departamenti i Minierave (DM) ka koordinuar procesin e hartimit të Raportit të Progresit për vitin 2022, ndërsa, në hartimin e këtij dokumenti kanë marrë inputet dhe janë identifikuar rreziqet për të cilat do të adresohen në vitet e ardhshme me masa konkrete. Si pjesë e kësaj do të vazhdoj bashkëpunimi dhe koordinimi me institucionet relevante dhe ndërmarrjet kryesore të sektorit minerar në adresimin e të gjitha rreziqeve me të cilat vazhdojnë të ballafaqohen.

Mund të konstatohet se ngeçjet në realizimin e disa projekteve të parapara, tregojnë për domosdoshmërinë e marrja e hapave konkret në eliminimin e barrierave që pengojnë zhvillimin e këtij sektori. Roli i institucioneve përgjegjëse të sektorit minerar por edhe i ndërmarrjeve minerare në planifikimin e aktiviteteve dhe projekteve është jetik në suksesin dhe zhvillimin e sektorit minerar. Në këtë drejtim duhet forcuar kapacitetet institucionale përmes ngritjeve profesionale dhe investimeve në zhvillimin e teknologjisë. Po ashtu në suksesin e sektorit rol të rëndësishëm luan transparenca dhe lehtësimi i proceduarve burokratike. Në këtë drejtim duhet krijuar mundësit institucionale që investitorët të kenë qasje të lehtë dhe të shpejt në interesat e tyre për investime duke pasur një adresë të qartë ku mund të drejtojnë kërkesat e tyre. Harmonizimi i ligjeve dhe heqja e paqartësive ligjore, bashkëpunimi më i ngushtë dhe i vazhdueshëm, hulumtimi i mundësive të



reja për donacione dhe tërheqje të fondeve janë disa nga hapat e domosdoshëm që duhet të ndërmerren në vitet në vazhdim në këtë drejtim.

### **Sfidat, mangësitë dhe pengesat**

Sfidat, mangësitë dhe pengesat e hasura gjatë monitorimit të këtij dokumenti lidhen me kapacitetin institucional, kapacitetin financiar, mjedisin rregullator, partneritetin dhe angazhimin e institucioneve të tjera, si dhe faktorët e tjerë të jashtëm që ndikojnë në nivelin e zbatimit të dokumentit strategjik.

Sfida më e zakonshme në aktivitetet e tyre të përgjithshme të institucioneve, gjegjësisht ndërmarrjeve minerare, në drejtim të realizimit të Strategjisë Minerare për periudhën 2012-2025 për vitin 2022, bazuar në takimet dhe diskutimet e përbashkëta, vlerësohet të jetë mungesa e mjeteve financiare.

Sfida tjera dhe mangësi tjera mund të quhen edhe performanca institucionale menaxhuese, aftësitë profesionale, procedurat burokratike të ndërlidhur me procedurat e ndërlikuara të pajisjes me licencë, për zhvillimin e aktivitetit minerar (në kuptimin e përfshirjes të shumë institucioneve që sipas tyre shpeshherë kanë rënë në kundërshtim me njëra-tjetrën, për sa i përket interpretimeve të ligjeve që e rregullojnë fushën përkatëse).

Duke pasur parasysh të gjitha këto që u thanë dhe të dhënat e përshkruar në tabelat më lart mund të konstatohet se është shënuar një progres i kënaqshëm i disa institucioneve si indikator i përgjithshëm i Progresit të Zbatimit të Strategjisë Minerare (PZSM). Ngecjet në realizimin e disa projekteve të parapara, tregojnë për mangësitë në planifikimin e projekteve nga ana e ndërmarrjeve dhe institucioneve të sektorit minerar por edhe në punën e institucioneve përgjegjëse në eliminimin e barrierave që pengojnë zhvillim të këtij sektori.

### **Resurset buxhetore**

Pjesa më e madhe apo mbi nëntëdhjetë për qind (90%) e buxhetit që parashihen të shpenzohen në zbatimin e Strategjisë Minerare për periudhën 2012-2025, është nga Ndërmarrjet Publike (NP) dhe private minerare. Vetëm një pjesë e vogël e kostos së zbatimit të Programi i Zbatimit të Strategjisë Minerare (PZSM), është mbuluar nga Buxheti i Republikës së Kosovës (BRK). Nga Buxheti i Republikës së Kosovës (BRK), kryesisht janë mbuluar projektet për Ndërmarrjet Publike (NP) si "Trepça" ShA dhe projektet nga institucionet e sektorit minerar.

## Konkluzionet dhe rekomandimet për hapat e ardhshëm

Mund të thuhet se disa nga institucionet dhe ndërmarrjet minerare nuk kanë analizuar në mënyrë të mjaftueshme burimin e financimit të projekteve përkatëse, që më vonë ka rezultuar me mosrealizimin e projekteve të caktuara si pasojë e mungesës së mjeteve financiare.

Po ashtu vlen të theksohet performanca e Ndërmarrjeve Publike Trepça Sh.A. dhe KEK Sh.A. që nuk kanë realizuar shumë projekte që i kanë parapa për realizim me mjete vetanake, dhe rrjedhimisht kanë treguar një performancë të dobët në progres, që edhe ka ndikuar në performancën e tyre të ulët të realizueshmërisë së Programit të Zbatimit të Strategjisë Minerare (PZSM) për vitin 2022.

Duke pasur parasysh të gjitha këto që u thanë dhe të dhënat e përshkruar në tabelat më lart mund të konstatohet se është shënuar një progres i kënaqshëm i disa institucioneve si indikator i përgjithshëm i Progresit të Zbatimit të Strategjisë Minerare (PZSM). Ngecjet në realizimin e disa projekteve të parapara, tregon për mangësitë në planifikimin e projekteve nga ana e ndërmarrjeve dhe institucioneve të sektorit minerar por edhe në punën e institucioneve përgjegjëse në eliminimin e barrierave që pengojnë zhvillimin e këtij sektori.

Rekomandimet dhe hapat e ardhshëm bazuar edhe në shqetësimet e paraqitura nga kompanitë e sektorit minerar, janë të ndërlidhura me lehtësimin e procedurave të pajisjes me licencë, për zhvillimin e aktivitetit minerar në kuptimin e përfshirjes të shumë institucioneve që sipas tyre shpeshherë kanë rënë në kundërshtim me njëra - tjetrën, për sa i përket interpretimeve të ligjeve që e rregullojnë fushën përkatëse.

Disa nga rekomandimet dhe hapat e ardhshme janë:

- Krijimi dhe harmonizimi i bazës ligjore funksionale dhe standardeve të veprimtarisë minerare, që garanton mbrojtjen e mjedisit, shëndetit dhe sigurinë në punë, si dhe transparencën dhe llogaridhëniën;
- Përmirësim të klimës së investimeve përmes krijimit të kushteve konkurruese ligjore dhe fiskale për të tërhequr dhe mbajtur investitorët e sektorit privat; tërheqjen e investitorëve të kualifikuar përmes një metodologjie të licencimit të përshtatshme;
- Rritja e Transparencës në procedurat e tenderimit dhe të licencimit, nëpërmjet përdorimit të tenderimit elektronik;
- Përgatitja e një Programi strategjik me objektiva afatshkurtëra, afatmesme dhe afatgjata me prioritete duke adresuar çështjet mjedisore dhe sociale, nëpërmjet përgatitjes dhe zbatimit të një programi strategjik mjedisor dhe social;
- Përmirësim të produktivitetit dhe konkurrencës, përdorimit racional të burimeve financiare, njerëzore dhe natyrore;
- Rritje të investimeve në kapacitete institucionale dhe në hulumtime të reja gjeologjike;
- Përmirësim të organizimit të kompanive të vogla, minierave, monitorimin e praktikave të sigurisë dhe mbrojtjes së ambientit dhe nxitjen e inkurajimit dhe krijimit të kompanive të mesme e të mëdha minerare;

- Rivlerësim i resurseve minerale, mbledhjen e të dhënave themelore gjeologjike, shfrytëzimin e të dhënave (p.sh. incizimet ajrore gjeofizike etj.), që ndihmojnë në zbulimin e mineraleve dhe tërheqjen e kompanive për të investuar në veprimtaritë e hulumtimit dhe të shfrytëzimit.
- Zhvillim të bazës së të dhënave, GIS-it dhe bashkëpunimin ndërinstitucional të sektorit mineral të kompanive të vendit dhe me ato homologe evropiane;
- Menaxhim me efikas dhe të sigurt të mbetjeve minerare dhe inkurajim të proceseve të riciklimit.
- Mbrojtja e resurseve minerale si një pasuri e vendit, nga ndërtimi i objekteve të ndryshme mbi resurse apo në afërsi të tyre në favor të shfrytëzimit racional të resurseve minerale në funksion të zhvillimit ekonomik të vendit.
- Nxitja e hulumtimeve sidomos të mineraleve metalore duhet të jetë prioritet edhe në vitin vijues në mënyrë që të zgjerohet baza e rezervave të këtyre lëndëve.
- Zhvillimi i “Zonave me interes të veçantë mineral” duke krijuar mundësi për investime në këto zona.
- Të përcillet me kujdes nga KPMM-ja planifikimi i ndërmarrjeve për shfrytëzimin e lëndës minerale që realizimi të jetë në kufijtë racional të planifikimit.
- Rritja e angazhimit të Inspektoratit të KPMM-së dhe koordinimi me institucionet relevante për ndalimin dhe parandalimin e aktiviteteve të jashtëligjshme të shfrytëzimit të resurseve minerale
- Të shqyrtohet mundësia e riciklimit të mbetjeve nga veprimtaria minerare, ndërtimet, rindërtimet, riparimet dhe shkatërrimet e ndërtesave apo konstruksioneve të tjera e që njihen si mbetje inerte (materialet si: gurë, beton, tjegulla, etj.).
- Të kihet parasysh vendimi i qeverisë për moratoriumin për gurthyesit e rinj dhe në procedurë për pëlqim mjedisor për periudhën dy vjeçare qershor 2021 – qershor 2023 (të qartësohen hapat që duhet ndërmarr në zbatimin e këtij vendimi).

**V. SHTOJCA I- PJESA MATRICORE E RAPORTIT TË PROGRESIT PËR VITIN 2022, TË STRATEGJIA MINERARE E REPUBLIKËS SE KOSOVËS PËR PERIUDHËN 2012-2025**

Në këtë shtojcë jepen informata mbi statusin e zbatimit të veprimeve, bashkë me një përshkrim të shkurtër të progresit në çdo veprim/aktivitet, treguesit e produktit (Output), ndonjë problem të identifikuar dhe hapat e propozuar të ardhshëm.

**1. OBJEKTIVI STRATEGJIK: KRIJIMI I KUSHTEVE TË FAVORSHME PËR VALORIZIMIN EKONOMIK TË RESURSEVE MINERALE DHE TËRHEQJEN E INVESTIMEVE**

**1.1 Objektivi specifik: Plotësimi i Infrastrukturës Ligjore dhe Rregullator**

Nr.	Objektivat dhe veprimet	Afati i fundit	Burimi i financimit	Institucion i udhëheqës dhe mbështetës	Produkti (Output)	Referenca në dokumente (p.sh. PPQ, PKZMSA)	Progresi në zbatim
1.1.1	Avancimi i kornizës ligjore dhe politik-bërjes në sektorin mineral.  Hartimi i legjislacionit sekondar të Shërbimit Gjeologjik të Kosovës (ShGjK).	2024	Pa kosto	ME SHGJK	Plotësimi i infrastrukturës ligjore, për shërbime nga SHGJK-ja.	Strategjia Minerare e Republikës së Kosovës, për periudhën 2012-2025	Realizimi: (100 %)  Drafti i rishikuar i Projekt Udhëzimit Administrativ për përcaktimin e tarifave të shërbimit më palën e tretë është finalizuar dhe dërguar në kabinet për nënshkrim nga Ministria.  Drafti i rregullores për organizimin e brendshëm dhe sistematizimin e vendeve të punës, për Shërbimin Gjeologjik të Kosovës është dërguar në kabinet për diskutimet e fundit.  Është finalizuar me nënshkrimin nga ME. Është lansuar në Gazetën Zyrtare të Republikës së Kosovës - Udhëzimin Administrativ (ME) Nr. 01/2022 për mënyrën e mbledhjes koleksionimit ruajtjes dhe mbrojtjes së mineraleve me strukturë kristalore numrin dhe llojin e mineraleve të mbrojtura në muzeun shtetëror të kristaleve dhe mineraleve "TREPÇA";  Drafti Finale i Projekt Udhëzimi Administrativ për mënyrën e blerjes, dhurimit, trashëgimit, ndërrimit, ekspozimit të kristaleve, dhe mineraleve si dhe mënyrën e pajisjes me dokumentacion përkatës për koleksionuesit e mineraleve dhe kristaleve,



është finalizuar dhe tashme në proces të përgatitjes sipas procedurave nga D. Ligjore, ku me pas do të dërgohet tek kabineti për nënshkrim nga ministria.

## 1.2 Objektivi specifik: Hartimi i politikave zhvillimore për sektorin minerar

Nr.	Objektivat dhe veprimet	Afati i fundit	Burimi i financimit	Institucion i udhëheqës dhe mbështetës	Produkti (Output)	Referenca në dokumente (p.sh. PPQ, PKZMSA).	Progresi në zbatim
1.2.1	Plani për Menaxhimin e Resurseve Minerale	2024	Pa kosto	ME, KPMM	Plani për Menaxhimin e Resurseve Minerale për vitin 2022 i hartuar.	Strategjia Minerare e Republikës së Kosovës, për periudhën 2012-2025	Realizimi: 100 %. Plani i Menaxhimit të Resurseve Minerale për vitin 2022 është miratuar nga ME. Sipas Ligjit për Miniera Minerale (LMM) Nr.03/-163 Neni 74 respektivisht Ligjit Nr.04/L-158 për Ndryshimin dhe Plotësimin e ligjit bazik neni 45, KPMM është e obliguar që: gjatë tremujorit të fundit të secilit vit kalendarik të përgatit dhe dorëzon në Ministrinë e Ekonomisë (ME), Projekt Planin për Menaxhimin e Resurseve Minerale për vitin vijues, i cili duhet të jetë në përputhje me Strategjinë Minerare të Kosovës.
1.2.2	Hartimi i Programit të Zbatimit të Strategjisë Minerare (3) tre vjeçare.	2024	Pa kosto	ME, KPMM	Dokument i miratuar.	Strategjia Minerare e Republikës së Kosovës, për periudhën 2012-2025	Realizimi: 70 %. Ministria e Ekonomisë me Vendim Nr. 410, të datës 02.03.2022 ka themeluar Ekipin Punues për Hartimin e Programit të Zbatimit të Strategjisë Minerare të Republikës së Kosovës për periudhën trevjeçare, PZSM 2022-2024. Drafti i Finalizuar e ka kaluar Fazën e Konsultimit Paraprak dhe Konsultimit Publik sipas nenit 7 të Rregullores 09/2011 për Punën e Qeverisë dhe Rregullores (QRK) nr.05/2016 për Standardet Minimale për procesin e Konsultimit Publik dhe sipas Udhëzimit Administrativ (QRK) Nr. 07/2018 për Planifikimin dhe Hartimin e Dokumenteve Strategjike dhe Planeve të Veprimit. Drafti i Plotësuar me ndryshimet dhe plotësimet e kërkuara gjat fazes së konsultimeve është dorëzuar

							ne Zyrën e S.P. dhe ne Kabinet per konsultimet e fundit para se te procedohet me tutje sipas Udhëzimit Administrativ (QRK) Nr. 07/2018.
1.2.3	Hartimi i Raportit Vjetor të Progresit të Programit të Zbatimit të Strategjisë Minerare.	2024	Nuk ka kosto	ME	Raport Vjetor për vitin 2021 i përfunduar.	Strategjia Minerare e Republikës së Kosovës, për periudhën 2012-2025	Realizimi: (0 %). Në mungesë të Planit të Veprimit nuk është përgatitur Raport Vjetor për vitin 2021 mbi progresin e projekteve dhe aktiviteteve të planifikuara në PZSM, për periudhën 2022-2024
1.2.4	Promovimi i sektorit mineral.	2024	10,000,00	ME, UIBM, KPMM	Konferenca vjetore të realizuar për "Gjeoshkencat, roli i tyre në zhvillimin e qëndrueshëm".  Raporti Përfundimtar i Projektit, 'Promovimi i sektorit mineral dhe ndikimi i tij ne aspektin ekonomik, mjedisor dhe social'.	Strategjia Minerare e Republikës së Kosovës, për periudhën 2012-2025	Realizimi: 100 %. Organizimi i Konferencës Ndërkombëtare multidisiplinare Gjeoshkencat, Roli i tyre në zhvillimin e qëndrueshëm (IMGC 2022) është realizuar sipas planifikimeve.  OJQ 'ICHAT' si përfutuese e projektit 'Promovimi i sektorit mineral dhe ndikimi i tij ne aspektin ekonomik, mjedisor dhe social', ka dorëzuar Raportin Përfundimtar te Projektit. Raporti është duke u shqyrtuar nga zyrtarja përgjegjëse ne ME për monitorimin e implementimit te projektit, sipas kontratës Nr.1824 lidhur mes Ministrisë se Ekonomisë dhe OJQ 'ICHAT'.
1.2.5	Blerja e pajisjeve ndihmëse xehtare (buldozer, automjete tereni, eskavator hidraulik etj.).	2024	2,105,000.00 KEK ShA	KEK ShA	Mekanizmi ndihmës buldozer, automjete tereni, ekskavator hidraulik të blerë dhe të funksionalizuar.	Strategjia Minerare e Republikës së Kosovës, për periudhën 2012-2025	Realizimi: (10%). Në përgjithësi procesi është karakterizuar me përsëritje të disaherëshme të procedurave, plotësime anulime, anulim në OShP- rrjedhimisht niveli i realizimit ka mbet për tu dëshiruar.
1.2.6	Riparim kapital i E8B - Projekt i ri.	2024	500,000.00 KEK ShA	KEK ShA	Riparim kapital i E8B	Strategjia Minerare e Republikës së Kosovës, për periudhën 2012-2025	Realizimi: 0 %, Projekti është bartur në vitin 2023.

1.2.7	Riaftësimi i pusit qorr nga HOR-VIII- deri në HOR-XII- .	2024	500,000.00	“Trepça” ShA ME	Ndërrimi i litarit të çeliktë në kafaz, ndërrimi i traversave dhe udhëzuesve si dhe pastrimi i korridorit i cili lidhet me pusin kryesor në HOR-XII- .	Strategjia Minerare e Republikës së Kosovës, për periudhën 2012-2025	Realizimi: në përqindje (%).
1.2.8	Investim në Flotacionin në Tunelin e Parë me kapacitet përpunues 35000 tonë.	2024	2,000,000.00	“Trepça” ShA ME	Mbajtja e kontinuitetit të prodhimit dhe zgjerimi i frontit të prodhimit.	Strategjia Minerare e Republikës së Kosovës, për periudhën 2012-2025	Realizimi: në përqindje (%).
1.2.9	Rivitalizimi i korridorit në horizontin e VI-të ( nga Platoja e Hor.VI deri te Vendburimi Kaltërina dhe Përroi i Thartë (gjatësia e korridorit 2.5km).	2024	1,000,000.00 “Trepça” ShA	“Trepça” ShA.	Hulumtimi dhe konturimi i trupave xeherore dhe përgatitja e tyre për shfrytëzim të Prooit të Thartë.	Strategjia Minerare e Republikës së Kosovës, për periudhën 2012-2025	Realizimi: në përqindje (%).
1.2.10	Investim në Flotacion në Kishnicë me kapacitet përpunues 200000 tonë.	2024	2,000,000.00 “Trepça” ShA	“Trepça” ShA	Mbajtja e kontinuitetit të prodhimit dhe zgjerimi i frontit të prodhimit.	Strategjia Minerare e Republikës së Kosovës, për periudhën 2012-2025	Realizimi: përqindje (%).
1.2.11	Hapjen e minierës së vendburimit tek Zjaça.	2024	2,333,333.33 “Trepça” ShA	“Trepça” ShA	Mbajtja e kontinuitetit të prodhimit dhe zgjerimi i frontit të prodhimit.	Strategjia Minerare e Republikës së Kosovës, për periudhën 2012-2025	Realizimi: në përqindje (%).

## 2 OBJEKTIVI STRATEGJIK: RRRITJA E KAPACITETEVE NJERËZORE DHE INSTITUCIONALE NË FUSHËN E SEKTORIT MINERAR

### 2.1 Objektivi specifik: Zhvillimi Institucional dhe i Kapaciteteve Njerëzore

Nr.	Objektivat dhe veprimet	Afati i fundit	Burimi i financimit	Institucion i udhëheqës dhe mbështetës	Produkti (Output)	Referenca në dokumente (p.sh. PPQ, PKZMSA)	Progresi në zbatim
2.1.1	Projekti funksionalizimi i Laboratorit të Shërbimit Gjeologjik të Kosovës (ShGjK).	2024	420,000.00	BK	Laboratori i funksionalizuar.	Strategjia Minerare e Republikës së Kosovës, për periudhën 2012-2025	Realizimi: 60 (%).  "Pas finalizimit të TeR , procedurës së prokurimit dhe përzgjedhjes së ofertuesve, është bërë nënshkrimi i kontratës operatorit përkatëse me date 08.11.2022 për implementimin e projektit "Laboratori i IGJK"  Tashme, në implementim projekti dhe afati për realizim të tij është me së largu 90 dite nga momenti i nënshkrimit. Është caktuar lokacioni në ambientet e Fak .të Gjeoshkencave, në UIBM , sipas dakordimeve në memorandumit të mirëkuptimit të nënshkruar në mes të dy palëve.  "Testimi dhe funksionalizimi i rrjetit dhe pajisjeve të tjera laboratorike. Është bërë pjesërisht , për pajisjet që tashme i kemi në dispozicionin, ndërsa për të tjera do të bëhet paralel me implementin e projektit.
2.1.2	"Kompletimi i sistemit me pajisjet e reja përkatëse për laboratorin e sizmikes:	2024	Pa kosto	ME, SHGJK	Kompletimi i laboratorit të sizmikes	Strategjia Minerare e Republikës së Kosovës, për periudhën 2012-2025	Realizimi: 100 %. 1. Dy sizmometra; - njeri periode- gjatë Model KS-2000 - tjetri periode - shkurt Model S-13, - dy regjistruar Smart 24. 2 Pajisja gjeofizike (komplet sistemi) me metoda të reflektimit dhe thyerjeve Sizmike. "
2.1.3	Përgatitja e programit për ripërtëritjen e fuqisë punëtore në minierat aktive.	2024	Pa kosto	ME, UIBM, KPM	Ripërtëritjen e fuqisë punëtore në minierat aktive si dhe aftësimi intensiv i punëtorëve dhe stafit	Strategjia Minerare e Republikës së Kosovës, për periudhën 2012-2025	Realizimi: (0%). Ky aktivitet është propozuar për Planin e Veprimit PZSM 2022-2024 i cili ende nuk është aprovuar.



teknik  
mbikëqyrës,  
sipas  
kriterëve më  
bashkëkohore

<b>2.2 Objektivi specifik: Huluntimi i Resurseve Minerale dhe Raportimi i Tyre</b>							
Nr.	Objektivat dhe veprimet	Afati i fundit	Burimi i financimit	Institucioni udhëheqës dhe mbështetës	Produkti (Output)	Referenca në dokumente (p.sh. PPQ, PKZMSA)	Progresi në zbatim
2.2.1	Realizimi i programeve huluntuëse gjeologjike dhe minerare.	2024	Pa kosto	ME, SHGJK	Huluntimi dhe shfrytëzimi i dokumentacionit gjeologjik historik për përpilimin e projektit nga huluntimet e më hershme në zonat e Dragashit, Pashtrikut dhe zona e Gashit / Gjeravica	Strategjia Minerare e Republikës së Kosovës, për periudhën 2012-2025	Realizimi: (100%). Realizimi i punime fushore – Ka përfunduar Realizimi i punime laboratorike - Ka përfunduar Realizimi i punimeve kabinetike – ka përfunduar Teksti sqarues dhe krijimi i hartës përkatëse për projektin në tersi – është në fazën finale dhe pritet së shpejti të behet lidhja e dokumentit dhe protokollimi i tij.
2.2.2	Harta vjetore për shpërndarjen e intensitetit maksimal sizmik	2024	Pa kosto	ME, SHGJK	Harta afatëgjate për shpërndarjen e intensitetit maksimal sizmik për periudhën 2008-2021.	Strategjia Minerare e Republikës së Kosovës, për periudhën 2012-2025	Realizimi: (100%). Përpilimi i hartës të shpërndarjes së intensitetit maksimal sizmik për periudhën 2008-2021 - është i përfunduar dhe dorëzuar me datë 02.12.2022 Teksti sqarues dhe krijimi i hartës përkatëse për projektin në fjale.
2.2.3	Projekti: Plansheti Gjeologjik i Ponoshecit në shkallë 1: 25000	2024	Pa kosto	ME, SHGJK	Udhëzim Administrativ i miratuar	Strategjia Minerare e Republikës së Kosovës, për periudhën 2012-2025	Realizimi: (100%). Teksti sqarues dhe krijimi i hartës përkatëse të Ponoshecit.
2.2.4	Projekti: Vlerësimi i potencialit mineralmbajtës për krom, bakër, platin dhe perspektiva e tyre, në zonën ndërmjet Shqipërisë dhe Kosovës.	2024	Pa kosto	ME, KPMM	Udhëzim Administrativ i miratuar	Strategjia Minerare e Republikës së Kosovës, për periudhën 2012-2025	Realizimi: (100%). Realizimi i punime fushore në zonat e Dragashit, e Pashtrikut dhe zona e Gashit / Gjeravica Realizimi i punime laboratorike për zonat e Dragashit, e Pashtrikut dhe zona e Gashit / Gjeravica Realizimi i punimeve kabinetike për vlerësimi në tersi (për zonat e Dragashit,

zonën e Pashtrikut dhe zona e Gashit / Gjeravica.  
Teksti sqarues dhe krijimi i hartës përkatëse për projektin në tersi (për zonat e Dragashit, e Pashtrikut dhe zona e Gashit / Gjeravica).

### 3. OBJEKTIVI STRATEGJIK: ÇËSHTJET SOCIALE DHE PËRFITIMET E KOMUNITETIT

#### 3.1 Objektivi specifik: Trajtimi i Çështjeve Sociale dhe Siguria në Punë

Nr.	Objektivat dhe veprimet	Afati i fundit	Burimi i financimit	Institucion i udhëheqës dhe mbështetës	Produkti (Output)	Referenca në dokumente (p.sh. PPQ, PKZMSA)	Progresi në zbatim
3.1.1	Hartimi i Programit/Kornizës për rikualifikimin e punonjësve për të cilët punësimi në profesionin e mëparshëm është pamundur.	2024	Pa kosto	ME, KPMM, UIBM	Programi/Korniza e miratuar.	Strategjia Minerare e Republikës së Kosovës, për periudhën 2012-2025	Realizimi: (0%). Ky aktivitet është propozuar për Planin e Veprimit PZSM 2022-2024 i cili ende nuk është aprovuar.
3.1.2	Reformimi i sistemit të vlerësimit paraprak të rrezikshmërisë.	2024	Pa kosto	ME, KPMM, UIBM	Zbatimi i ligjit, akteve nënligjore dhe rregulloreve teknike të mbrojtjes.	Strategjia Minerare e Republikës së Kosovës, për periudhën 2012-2025	Realizimi: (0%). Ky aktivitet është propozuar për Planin e Veprimit PZSM 2022-2024 i cili ende nuk është aprovuar.
3.1.3	Organizimi i trajnimit mbi implementimin e rregullave teknike të mbrojtjes dhe sigurisë në vendin e punës.	2024	20,000.00	ME, KPMM, "Trepça" ShA, KEK ShA	Trajnim profesional i stafit mbikëqyrës dhe punonjësve të sektorit minerar.	Strategjia Minerare e Republikës së Kosovës, për periudhën 2012-2025	Realizimi: (0%). Ky aktivitet është propozuar për Planin e Veprimit PZSM 2022-2024 i cili ende nuk është aprovuar.

### 4 OBJEKTIVI STRATEGJIK: PËRKUJDESJA PËR MJEDISIN

#### 4.1 Objektivi specifik: Zgjidhja e Problemeve Mjedisore Historike

Nr.	Objektivat dhe veprimet	Afati i fundit	Burimi i financimit	Institucioni i udhëheqës dhe mbështetës	Produkti (Output)	Referenca në dokumente (p.sh. PPQ, PKZMSA)	Progresi në zbatim
4.1.1	Harmonizimi i aktiviteteve ndër-institucionale të sektorit minerar.	2024	Pa kosto	ME, MMPH, KPMM	Rritja e numrit të inspektimit dhe raportimeve	Strategjia Minerare e Republikës së Kosovës, për periudhën	Realizimi: (0%). Ky aktivitet është propozuar për Planin e Veprimit PZSM 2022-2024 i cili ende nuk është aprovuar.

							2012-2025
4.1. 2	Hartimi i Projektit mbi trajtimin e ujërave acidike - (AMD) Miniera Artanë.	2024	533,333.33 "Trepça" ShA	"Trepça" ShA	Studimi lidhur me efektin e ujërave acidike i përfunduar.	Strategjia Minerare e Republikës së Kosovës, për periudhën 2012-2025	Realizimi: në përqindje (%).
4.1. 3	Rehabilitimi i Minierës së Hajvalisë.	2024	1,000,000.0 0 "Trepça" ShA	"Trepça" ShA	Mbajtja e kontinuitetit të prodhimit dhe zgjerimi i frontit të prodhimit.	Strategjia Minerare e Republikës së Kosovës, për periudhën 2012-2025	Realizimi: për qindje (%).